

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**MINISTARSTVO UNUTRAŠNJIH POSLOVA**  
**UPRAVA POLICIJE**  
**SARAJEVO**

Broj: 02 -11-4-2474-43/21  
Datum: 28.09.2021.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14), na preporuku Komisije za sukcesivnu nabavku pogonskog goriva za potrebe Uprave policije, imenovane Rješenjem broj: 02/5-1-30-1-1807 od 05.04.2021. godine, u ponovnom postupku odlučivanja, a u skladu sa Rješenjem Ureda za razmatranje žalbi broj: JN2-03-07-1-2112-8/21 od 07.09.2021. godine, u postupku javne nabavke pogonskog goriva, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

**ODLUKU O IZBORU NAJPOVOLJNIJEG PONUĐAČA I DODJELI OKVIRNOG  
SPORAZUMA ZA LOT 4**

**I**

Prihvata se preporuka Komisije za sukcesivnu nabavku i okvirni sporazum za javnu nabavku pogonskog goriva za potrebe Uprave policije Ministarstva unutrašnjih poslova Kantona Sarajevo dodjeljuje se ponuđaču:

- Hifa petrol d.o.o. Sarajevo, i to za:
  - ✓ LOT 4- sukcesivna nabavka pogonskog goriva na lokaciji općine Novi Grad za ponudenu cijenu od 106.858,55 KM bez PDV-a.

**II**

Postupkom javne nabavke predviđeno je potpisivanje Okvirnog sporazuma na period od 1 (jedne) godine. Okvirnim sporazumom Ugovorni organ i Dobavljač mogu u toku cijelog perioda na koji se sporazum zaključuje, zaključivati ugovore iz oblasti predmetne nabavke. Ukupna vrijednost pojedinačno zaključenih ugovora ne može biti veća od prihvaćene cijene ponude.

**III**

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog okvirnog sporazuma o nabavci dostavit će se na potpis izabranom ponuđaču za LOT 4 Hifa petrol d.o.o. Sarajevo po isteku zakonom predviđenog roka od dana od kada su svi ponuđači obavješteni o izboru najpovoljnije ponude.

**IV**

Izabrani ponuđač za LOT 4 – Hifa petrol d.o.o. Sarajevo je u svojoj ponudi dostavio tražene dokaze navedene u tački 12. i 13.2. tenderske dokumentacije, a koje se odnose na član 45. stav 2. tačka od a) do d) i član 47. stav 1. tačka a), čime se oslobađa obaveze naknadnog dostavljanja istih.

**V**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

### Obrazloženje

Na osnovu Odluke broj: 02-11-4-2474/21 od 11.05.2021. godine i Obavještenja o nabavci broj: 16475-1-1-29-3-47/21 od 12.05.2021. godine, proveden je otvoreni postupak javne nabavke pogonskog goriva za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-2474/21 od 22.06.2021.godine, za aktivno učešće u postupku za LOT 4 - sukcesivna nabavka pogonskog goriva na lokaciji općine Novi Grad dostavljene su ponude ponuđača Hifa oil d.o.o. Tešanj, Energopetrol d.d. Sarajevo i Hifa petrol d.o.o. Sarajevo.

Komisija za sukcesivnu nabavku za potrebe Uprave policije-(u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda broj: 02-11-4-2474-6/21 od 09.07.2021. godine, kojim je utvrdila da ponude ponuđača Hifa oil d.o.o. Tešanj, Energopetrol d.d. Sarajevo i Hifa petrol d.o.o. Sarajevo sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju "ekonomski najpovoljnija ponuda" ispunjavaju sve zahtjeve Ugovornog organa.

Rang prihvatljivih ponuda prema kriteriju za dodjelu ugovora „ekonomski najpovoljnija ponuda“ na osnovu konačne rang liste ponuđača čije ponude su prihvatljive:

LOT 4			
Naziv ponuđača	Ukupna ponudena cijena (P) – 90 bodova	Operativni trošak (U) – 10 bodova	Ukupan broj bodova (T) - 100
Hifa oil d.o.o. Tešanj	107.751,59 – 86,15 bodova	900 m – 10 bodova	96,15 bodova
Energopetrol d.d. Sarajevo	103.145,07 – 90 bodova	4.400 m – 2,05 bodova	92,05 bodova
Hifa petrol d.o.o. Sarajevo	106.858,55 – 86,87 bodova	4.700 m – 1,91 bodova	88,79 bodova

Shodno rezultatima pregleda i ocjene ponuda i rang listi prihvatljivih ponuda, Komisija je ocjenila prihvatljivom ponudu ponuđača Hifa oil d.o.o. Tešanj, i to za:

- ✓ LOT 4 – sukcesivna nabavka pogonskog goriva na lokaciji općine Novi Grad sa ukupnom cijenom ponude u iznosu od 107.751,59 KM bez PDV-a.

Donesena je odluka o izboru najpovoljnijeg ponuđača i dodjeli okvirnog sporazuma za LOT 4 broj: 02-11-4-2474-10/21 od 14.07.2021. godine. Na navedenu odluku ponuđač Hifa petrol d.o.o. Sarajevo je izjavio žalbu.

Ured za razmatranje žalbe (Filijala Mostar) je svojim Rješenjem broj: 02/5-1-30-1-1807 od 05.04.2021. godine usvojio izjavljenu žalbu kao djelomično osnovanu, poništio pobijanu odluku broj: 02-11-4-2474-10/21 od 14.07.2021. godine te predmet vratio ugovornom organu na ponovni postupak u kojem će postupiti po stavovima URŽ-a iz predmetnog rješenja i zakonskim i podzakonskim aktima iz oblasti javnih nabavki.

Shodno prvom žalbenom navodu, a koji je URŽ proglasio osnovanim, žalitelj smatra da je ponuđač Hifa oil d.o.o. Tešanj dostavio dokumentaciju po članu 45. Zakona kojom ne dokazuje ono što je zahtjevano tenderskom dokumentacijom. Dostavljena je potvrda Porezne uprave FBiH ispostava Tešanj kojom se potvrđuje da porezni obveznik Hifa oil d.o.o. Tešanj nema dospjelih, a neizmirenih obaveza. Žalitelj smatra da iz dostavljene potvrde proizilazi da je ponuđač Hifa oil d.o.o. Tešanj izmirio sve obaveze za poslovnice u FBiH, dok za ostale podružnice sa sjedištem u RS i Brčko Distriktu, nije dostavio potvrdu da su obaveze uredno izmirene.

URŽ je u svom Rješenju smatrao da izneseno sporno pitanje nije raspravljeno u mjeri da se može cijeliti utvrđenim i da bi se na bazi istog mogao nesmetano donijeti pravilan i zakonit zaključak.

Navodi takode, da bi trebalo provjeriti u kontekstu zakonske odredbe kojom se zahtijeva izmirenje obaveza poreza u skladu sa važećim propisima.

Prilikom postupanja po navodima URŽ-a utvrđeno je da je Sud BiH donio presudu broj: S1 3 U 034409 20 U od 09.08.2021. godine u kojoj je odlučivao o istom pitanju, te da je dostava uvjerenja – potvrde Porezne uprave FBiH u skladu sa tenderskom dokumentacijom i Zakonom o javnim nabavkama. Jer je u postupku javne nabavke prijavljeno pravno lice, a ne neka poslovnicu tog pravnog lica, koja u skladu sa Zakonom o privrednim društvima FBiH nema pravni subjektivitet, nego čini sastavni dio društva.

Tako da je odgovor ugovornog organa na ovaj žalbeni navod u Izjašnjenju broj: 02-11-4-2474-25/21 od 02.08.2021. godine zakonski utemeljen. Uslovi iz tačke 12. predmetne tenderske dokumentacije je u skladu sa članom 45. Zakona o javnim nabavkama i kao takav se ne smije prilagođavati niti mijenjati.

Vršeći ponovnu analizu ponude ponuđača Hifa oil d.o.o. Tešanj za LOT 4, Komisija je postupila u skladu sa Rješenjem URŽ-a broj: JN2-03-07-1-2112-8/21 od 07.09.2021. godine, te utvrdila da je ova ponuda nepotpuna i ne ispunjava uslove tražene tenderskom dokumentacijom. Naime, URŽ u svom rješenju navodi da je ponuđač Hifa oil d.o.o. Tešanj u svojoj „ponudi dostavio bankarsku garanciju u plastičnoj foliji, te da je na vrhu folija zalijepljena naljepnicom okruglog oblika u okviru koje se nalazi oslikan žig ponuđača. Dakle, na naljepnici nije stavljen originalan pečat ponuđača koji se koristi u pravnom prometu kako je to učinjeno u drugim dijelovima ponude u kojima se pečat zahtijevao.

Članom 3. stav (1) Pravilnika o obliku garancije za ozbiljnost ponude i izvršenja ugovora

(„Službeni glasnik BiH“, broj 90/14) propisano je da se garancija za ozbiljnost ponude dostavlja u originalu, u zatvorenoj plastičnoj foliji (koja se npr. na vrhu zatvori naljepnicom na kojoj je stavljen pečat ponuđača ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuđača ) i uvezano u cjelini čini sastavni dio ponude.

Prednje iznesene okolnosti ukazuju da stanje stvari kako je prednje utvrđeno, a odnosi se na pitanje načina dostavljanja garancije, nije u potpunosti usklađeno sa pravilima propisa u smislu osiguranja garancije kojim je, između ostalog, jasno propisano da se garancija dostavlja u zatvorenoj plastičnoj foliji, koja je na vrhu zatvorena naljepnicom, na kojoj je stavljen pečat ponuđača ili se otvor na foliji zatvori jamstvenikom, a na mjestu vezivanja nalijepi naljepnica i otisne pečat ponuđača.

Činjenično stanje stvari kako je navedeno, ne ukazuje na potpunu istovjetnost pripreme garancije, sa navedenim pravilima osiguranja iste, s obzirom da predmetna garancija upakovana na način da je na vrhu plastične folije stavljena naljepnica sa uslikanim žigom, što ostaje nejasnim na koji način je nedvojbeno zaštićena predmetna garancija, u slučaju, eventualnog pokušaja odljepljivanja naljepnice, njenog odstranjivanja i pokušajaponovnog lijepljenja na istovjetno mjesto, s obzirom da stavljanjem naljepnice na ovakav način sa žigom, eventualnu manipulaciju, nesmetano omogućava, jer nije pečat otisnut na mjesto spajanja folije i naljepnice, a što je i osnovna svrha stavljanja otiska pečata, na spajanjima naljepnice i folije.“

U skladu sa naprijed navedenim, ponuda ponuđača Hifa oil d.o.o. Tešanj nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

Dana 22.09.2021. godine upućen je zahtjev za produženje roka važenja ponuda svim ponuđačima u postupku za LOT 4.

Do krajnjeg datuma za dostavu 27.09.2021. godine, svi ponuđači su dostavili produženje garancije za ozbiljnost ponude.

Međutim, dostavljena garancija za ozbiljnost ponude ponuđača Energopetrol d.d. Sarajevo je dostavljena u plastičnoj foliji koja nije zalijepljena na vrhu, dakle nije pravilno upakovana u skladu sa članom 3. stav (1) Pravilnika o obliku garancije za ozbiljnost ponude i izvršenja ugovora („Službeni glasnik BiH“, broj 90/14).

Vršeći ponovnu analizu ponude ponuđača Energopetrol d.d. Sarajevo za LOT 4 i dostavljene garancije za ozbiljnost ponude po zahtjevu za produženje, Komisija je utvrdila da dostavljena garancija za ozbiljnost ponude ponuđača Energopetrol d.d. Sarajevo je dostavljena u plastičnoj foliji koja nije zalijepljena na vrhu, dakle nije pravilno upakovana u skladu sa članom 3. stav (1) Pravilnika o obliku garancije za ozbiljnost ponude i izvršenja ugovora („Službeni glasnik BiH“, broj 90/14).

U skladu sa naprijed navedenim, ponuda ponuđača Energopetrol d.d. Sarajevo nije prihvatljiva, te se u skladu sa članom 3. stav (3) Pravilnika o obliku garancije za ozbiljnost ponude i izvršenja ugovora („Službeni glasnik BiH“, broj 90/14) i članom 68. stav (4) tačka i) Zakona o javnim nabavkama BiH odbacuje.

Rang prihvatljivih ponuda prema kriteriju za dodjelu ugovora „ekonomski najpovoljnija ponuda“ na osnovu konačne rang liste ponuđača čije ponude su prihvatljive, a nakon ponovnog pregleda i ocjene ponuda te u skladu sa Rješenjem URŽ-a broj: JN2-03-07-1-2112-8/21 od 07.09.2021. godine:

LOT 4			
Naziv ponuđača	Ukupna ponudena cijena (P) – 90 bodova	Operativni trošak (U) – 10 bodova	Ukupan broj bodova (T) - 100
Hifa petrol d.o.o. Sarajevo	106.858,55 – 90 bodova	4.700 m – 10 bodova	100 bodova

Shodno rezultatima pregleda i ocjene ponuda i rang listi prihvatljivih ponuda, Komisija je ocjenila prihvatljivom ponudu ponuđača Hifa petrol d.o.o. Sarajevo, i to za:

- ✓ LOT 4 – sukcesivna nabavka pogonskog goriva na lokaciji općine Novi Grad sa ukupnom cijenom ponude u iznosu od 106.858,55 KM bez PDV-a.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav 1. tačka a) Zakona o javnim nabavkama („Službeni glasnik BiH“, broj: 39/14), Zapisnikom o pregledu i ocjeni ponuda riješeno je kao u dispozitivu.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14).

**POLICIJSKI KOMESAR**  
**Generalni inspektor policije**

**Nusret Selimović**

**Dostaviti:**

1. Komisiji za sukcesivne nabavke
2. Ponuđačima x3
3. Odjeljenju za odnose s javnošću, radi objave na web stranici ovog organa
4. a/a